

ուռւս սպաների և զինւորների հեռանալը՝ ճակատից՝ ամբողջած շրջանների պահակութիւնը յանձնէք ազգային զօրամասերին»:

Կարս-Մերզենեք երկաթուղագծի վարչութիւնը հեռագրում է յունւ. 21-ին. «Երկաթուղային բրիգադի Կարս-Մերզենեք դժի վրա ծառայող ուռւս զինւորները լքում են միլիոնաւոր ռուբլիներ արժող նիւթերը և կանգնեցնում շարժումը: Ոնդրում ենք կադմել հայկական երկաթուղային գումարտակ և նրան փոխանցել այս բրիգադի և Կարս-Մերզենեք երկաթուղագծի գոյքը»:^{*})

Սրանք պատահական օրինակներ են լուր ա՛յն օրերի ռազմաճակատի քայքայումը պատկերացնող առատ նիւթից: Իրապէս դրութիւնը անհամեմատ աւելի մոռյլ էր: Ռազմաճակատը հալչում էր արևից տաքացած ձեան պէս. ուռւս զօրքը խելայեղ՝ խուժում էր դէպի թիկունք, Կովկասեան Լեոնաշղթայի միւս կողմը:

Այս խուժումը տեղի էր ունենում ցաւազին պայմանների մէջ, մասնաւորապէս մահճետական շրջաններում: Անկասկած, թիւրքերի ներշնչումով, կովկասեան մահճետականները աշխատում էին մի կողմից արագացնել ուռւս զօրքերի փախուստը, միւս կողմից՝ խլել նրա դէնքն ու ռազմամթերքը: Զինուորութեան հողի վրա պատահում էին արիւնոտ ընդհարումներ ու ճակատամարտներ նահանջող ուռւս զօրամասերի ու թուրք ազգարնակութեան միջև: Այդ կարգի արիւնոտ դէպքերից առանձնապէս մեծ յուզում առաջ բերեց Շամքորի կոտորածը, յունւ. 8-10-ին:

Յունւ. 8-ին, ճակատից հեռացող բազմաթիւ զինւորական գնացքներ եկան-կանգնեցին Շամքոր կայարանի մօտ: Ճանապարհը կտրւած էր և առաջ երթալը անհնար: Գնացքները բերնէ բերան լեցած էին զինւորներով, ձիերով, կանանցով ու երեխաներով, թնդանօթներով, ռազմամթերքով, մեծաքանակ փամփուշտով ու մթերքով: Զինւորները հարուստ աւար էին տանում իրենց հետ:

Եւ, յանկարծ, զիշերւայ մթութեան մէջ, ամէն կողմից սկսեց հրացանաձգութիւն: Գնացքները ենթարկւեցին թնդանօթային կրակի: Առաջ եկաւ աննկարագրելի իրարանցում: Զինւորներն էլ, իրենց հերթին, զրաւեցին դիրքեր և դօրծի դրին գնդացիները: Տեղի ունեցաւ յուսահատական կռիւ: Յարձակողներին յաջողեց վառել գնացքների մի մասը: Զինւորները անձնատուր եղան:

Պարզեց, որ յարձակողները եղել են վրացի Աբխազաւայի զրահապատ գնացքը, զօր. Մաղալովի «Վայրենի դիվիզիան» և հազարաւոր զինւած թուրք խուժան Գանձակի Մահմ. Աղլային խորհրդի ղեկավարութեամբ:

Իոլոր գնացքները խուզարկւեցին ու թալանւեցին: Զինւորներից խլեց ամէն ինչ — զէնք, ռազմամթերք, պարէն, մասնաւոր գոյքը. անդամ վրաների հազուատը հանեցին թուրք հրոսախմբերը: Գրաււած թնդանօթներն ու զէնքերը սեփականացրեց Գանձակի Մահմ. Աղլ. խորհուրդը: Մեծ շուքով աւարը տարւեց Գանձակ: Թուրք սոց.-յեղափոխական պարագլուխ

^{*}) Կովկասեան մականի այդ ժամանակւայ վիճակի մասին տես՝ ի միջի ալլոց, և զօր. Ղորղանեանի գիրքը: